



Publicaziuns dalla vischnaunca, jamna 52

Referendum facultativ spirau

Il 3 da december 2010 ha il cussegl da vischnaunca approbau treis credits, numnadamein frs. 280 000.– per la colligiaziun da Mumpé Medel alla serenera, sfr. 480 000.– per l'erecziun da 15 parcadis sutterrans el rom dall'engrondaziun dalla Casa da tgira Sursassiala e sfr. 850 000.– pigl acquist da treis parcelas a Pignola.

Encunter quellas decisiuns ei enteifer il termin fixau buca vegniu fatg diever dil referendum facultativ, aschia ch'ils treis credits ein approbai definitivamein.

Suprastonza communal

Administraziun communal

Il davos meins ei vegniu registrau il diember da visitaders al spurtegl dall'administraziun communal. Sebasond sin quella enonuschientscha vegn il temps d'avertura dil spurtegl dall'administraziun communal adattaus naven dall'entschatta 2011 sco suonda:

gliendisdis–venderdis

9.00–11.30

14.00–17.00

Tgi che ha buca la pusseivladad da serender duront quei urari al spurtegl, ei supplicaus da s'annunziar tier l'administraziun communal per tel. 081 920 36 36 ni EMail: admin@disentis.ch per fixar in termin individual.

Bien engraziament per Vossa capientscha.

Suprastonza communal

Cussegl da vischnaunca

Il cussegl da vischnaunca seraduna **venderdis, ils 7 da schaner 2011 allas 20.15** en halla Cons ad ina seduta.

Tractandas:

1. Protocols nr. 14- e 15-2009/2012
2. Ovra electrica Russein: Scadenza dalla concessiun avon temps ed indemnisaziun persuerter – Nova concessiun pil dretg dallas auas al consorzi da studi Russein – Participaziun dalla vischnaunca all'Ovra electrica Russein SA (messadi nr. 24-2009/2012)

Il president dil cussegl da vischnaunca

Ovra electrica Russein

Invitaziun ad ina orientaziun

El decuors dils davos dus onns han las suprastonzas communalas da Sumvitg e Mustér elaborau en concordanza cun la Axpo Hydro Surselva SA in project per ina engrondaziun dall'Ovra Russein e per ina nova concessiun.

Il cussegl da vischnaunca tracta quella impurtonta fatschenta **venderdis, ils 7 da schaner 2011 allas 20.15 en halla Cons.**



Il meinaproject, insch. Michael Bätcher, vegn a dar ina survesta detagliada dil project. A quella informaziun ei in e scadin cordialmein envidaus.

La votaziun all'urna per quei project ei previda per ils 13 da fevrer 2011.

Suprastonza communal

Cartas da viagià dil di (Flexicard) – midadas

La viafier ha augmentau il prezz dallas cartas da viagià dil di. Ord quei motiv vegn naven digl 1. da schaner 2011 il prezz per cartas da viagià dil di (Flexicard) adattaus da frs. 35.– sin frs. 38.–/carta. Plinavon vegn la vendita dallas cartas **restrenschida sin personas domiciliadas en Surselva**.

Nus engraziein per Vossa capientscha e giavischein a Vus ina buna midada e tut bien egl onn 2011.

Administraziun communal

Deponer testaments e contracts d'ierta

En rama dalla nova procedura penala e civila svizra vegnan las vischnauncas incumbensadas naven dils **1-1-2011** cun la conservaziun officiala da testaments.

Personas domiciliadas a Mustér san **naven d'immediat** deponer lur davosa voluntada (testaments, contracts d'ierta) tier l'administraziun communal e buca pli tier igl uffeci circuital Cadi. Ils testaments e contracts d'ierta ch'eran deponi tier igl uffeci circuital ein vegni surdai all'administraziun communal.

Per ulteriur sclariment stein nus bugen a disposiziun.

Administraziun communal

Controlla da habitonts

Naschientscha

Elia Bisquolm, naschius ils 19 da december 2010, fegl da Corsin e Rahel Bisquolm naschida Albin

Mortori

Patric Cabernard-Huonder, naschius ils 20-5-1969, morts ils 28-12-2010

Vischinadi d'Acletta

Radunonza extraordinaria

Venderdis, ils 7 da schaner 2011 allas 20.15 el hotel Péz Ault.

Tractandas:

1. Beinvegni
2. Elecziun da dus dumbravuschs
3. Prelecziun ed approbaziun dil protocol
4. Rapport annual dil president
5. Quen e rapport dils revisurs
6. Fixaziun taxa da fiug



7. Elecziuns
- 8. Structura futur dil vischinadi d'Acletta**
9. Varia

Cordialmein envida
la suprastonza dil vischinadi Acletta

Pro Senectute Cuors trenament dalla memoria a Mustér

In viadi d'exploraziun tras il tgau – trenar il tschurvi a moda raschuneivla. Scuvri Vossas capacitads spirtalas grazia ad in trenament dalla memoria. Il tschurvi sesviluppescha e semida duront l'entira veta. Ins sa pia emprender novas caussas tochen en in'aula vegliadetgna.

Senza sforz e cun humor intervegnis Vus co Vus saveis mantener il spért activs e movibels. Cun agid d'ina recepciun pli cunscienta e d'ina strategia da management raschuneivla emprendis Vus cun temas interessants co nezegiar pli efficientamein Vossas capacitads e co applicar quellas metodas el mintgadi.

Liug: Mustér, nua vegn aunc communicau
Datas: 4 x mesjamna, naven dils 10 da schaner 2011
Temps: 13.30–15.45
Menadra dil cuors: Monika Berther-Sommer, trenadra dalla memoria certificada SVGT

Annunzias ed informaziuns: **tochen ils 3 da schaner 2011 tier la Pro Senectute Grischun**, Alexanderstrasse 2, 7000 Cuera, tel. 0844 850 844 (tariffa locala).

Il vast program dallas differentas purschidas da cuors e formaziun dalla Pro Senectute per personas pesiunadas san ins retrer tiel post regional dalla Pro Senectute Surselva a Glion sut la numera da telefon 081 925 43 26.

Societad da musica Mustér Concert da Daniev

Dumengia, ils **2 da schaner 2011 allas 20.00 en baselgia parochiala S. Gions a Mustér**. Silsuenther stiva da caffè en halla Cons.

Entrada libra, collecta.

Pendicularas Mustér 3000

Naven dils 10 tochen ils 30 da schaner 2011 envidan las Pendicularas Mustér 3000 tut las senioras ed ils seniors dad ir gratuitamein cun la pendiculara si Caischavedra ed anavos.

Uniun da dunnas Mustér Mummas cun affons pigns Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni **mesjamna, ils 5 da schaner 2011 dallas 15.00–16.30** per passentar in bi suentermiezdi da cumpignia el local Artgin. Per damondas ni sclariment stat Nathalie Lutz, tel. 081 947 61 94 bugen a disposiziun.

Mummas cun affons pigns Mustér



Patinera/Kunsteisbahn

Öffnungszeiten: 2. Januar bis 2. März 2011

Gliendisdis/Montag:

Offen: Gruppen, Eislaufen (Vereine) mit Vorreservation
20.00–22.00 Hockey (Spielerfahrung erw.)

Mardis/Dienstag:

Offen: Gruppen, Eislaufen (Vereine)
Hockey (Vorreservation nötig)

Mesjamna/Mittwoch:

14.00–16.30 Uhr Eislaufen
16.30–17.00 Uhr Eisreinigung
17.00–19.30 Uhr Eislaufen
19.30–20.00 Uhr Eisreinigung
20.00–22.00 Uhr Eislaufen/Curling CC Disentis

Gievgia/Donnerstag:

16.00–17.30 Uhr Eislaufen
17.30–19.30 Uhr Hockey
19.30–20.00 Uhr Eisreinigung
20.00–22.00 Uhr Eislaufen/Curling-Plausch

Venderdis/Freitag:

16.00–18.00 Uhr Eislaufen/Hockey
18.00–18.30 Uhr Eisreinigung
18.30–20.00 Uhr Eislaufen/Hockey

Sonda/Samstag:

14.00–15.30 Uhr Eislaufen
15.30–16.00 Uhr Eisreinigung
16.00–18.00 Uhr Eislaufen/Curling CC Disentis

Dumengia/Sonntag:

14.00–16.00 Uhr Eislaufen/Curling CC Disentis
16.00–16.30 Uhr Eisreinigung
16.30–18.00 Uhr Hockey

Curling ist immer gleichzeitig mit Eislaufen möglich. Bitte reservieren. Curling-Plausch für alle jeden Donnerstag um 20.00 Uhr (Teilnahme gratis). Teilnahmebedingungen im Veranstaltungskalender. Die Vormittagstunden sind für Schulen, Vereine und Gruppen reserviert. Es besteht auch die Möglichkeit für Einzelpersonen zu trainieren. Am 19.2.2011 ist das Eisfeld aufgrund eines Curling-Turniers geschlossen.

Reservationen für Eisfeld: in der Cafeteria des Center da sport e cultura oder unter 081 947 44 34. Für Inhaber der Jahreskarte der Bergbahnen Disentis AG ist der Eintritt zur Kunsteisbahn des Center da sport e cultura Disentis gratis.



PCD Mustér
Radunonza extraordinaria

Gievgia, ils 20 da schaner 2011 allas 20.15 el hotel La Furca.

Tractandas:

1. Discussiun pertuccont igl avegnir dalla partida locala
2. Elecziun d'ina nova suprastonza
3. Eventuala dissoluziun
4. Varia *La suprastonza*

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:
Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Attenziun

Duront las vacanzas da Nadal resta la ludoteca **serrada naven da venderdis, ils 24 da december entochen e cun la gievgia, ils 6 da schaner**. Duront quei temps vegn tarmess neginas admoniziuns.

Bien engraziament per Vossa capientscha.

Bialas fiastas e tut bien pigl onn niev.
La squadra dalla ludoteca

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta:
Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér

Nus giavischein a nos clients ed all'entira populaziun in ventireivel niev onn. Cordial engraziament per Vossa fideivladad e Vies interess. Nus selegrein gia, d'astgar cussegliar Vus era egl onn niev.

Il team dalla biblioteca populara Mustér